



FRidericus ex illustri familia comitum de Oettingen natus est. Eum parentes ob egregiam indolem in optimis literis educarunt, atq; doctis præceptoribus instituendum tradiderunt. Vnde magnam eruditionis opinionem nactus est. Erat etiam is insigni corporis & animi fortitudine præditus. Itaq; Theutonicorum militarem ordinẽ ad huc iuuenis assumpsit, atq; in Germania & Prussia magnum uirtutis nomen obtinuit, ita ut etiam huic ordini præficeretur. Cum autem eo tempore Rabanus præsul Eystetensis esset mortuus, atque p̄otifex huius Friderici eruditionem percepisset, eum eius loci episcopum 47 constituit. Itaq; Fridericus huic uocationi obtemperans, Episcopi munus suscepit, atq; magna pietate & prudentia administrauit. Erat enim natura mitis, pius, liberalis, & multis artibus instructus. Eam functionẽ cum per annos 32 optimẽ gubernasset, tandem sub initio Constantiensis Concilij, anno 1415. magno omnium luctu obiit, atq; Ioannem à Haydeck successorem habuit. Anon.